



Broj: 04-07-8-2226-8/22
Sarajevo, 26.05.2023. godine

**PLAN INTEGRITETA
MINISTARSTVA KOMUNIKACIJA I TRANSPORTA
BOSNE I HERCEGOVINE**

Sarajevo, maj 2023. godine

SADRŽAJ

1. UVOD

2. FAZA I

- 2.1. Osnovne informacije o instituciji i odgovornim osobama za izradu i sprovođenje Plana integriteta
- 2.2. Odluka o imenovanju Radne grupe za izradu Plana integriteta Ministarstva komunikacija i transporta Bosne i Hercegovine za naredni četverogodišnji period
- 2.3. Obavijest svim zaposlenim o preduzimanju aktivnosti usmjerenih na izradu Plana integriteta Ministarstva komunikacija i transporta Bosne i Hercegovine
- 2.4. Program rada Radne grupe za izradu Plana integriteta

3. FAZA II

- 3.1. Uvodni dio
- 3.2. Početna procjena stanja integriteta
- 3.3. Prikupljanje, pregled i analiza neophodne dokumentacije za izradu Plana integriteta u cilju procjene izloženosti i otpornosti Ministarstva komunikacija i transporta Bosne i Hercegovine rizicima
- 3.4. Organigram Ministarstva komunikacija i transporta Bosne i Hercegovine
- 3.5. Pregled organizacije i kadrovskih kapaciteta
- 3.6. Sprovođenje ankete putem anonimnog upitnika
- 3.7. Identifikacija i analiza rizika i faktora rizika te procjena i rangiranje rizika

4. FAZA III

- 4.1. Mjere za unapređenje integriteta i određivanje prioriteta predloženih mjera
- 4.2. Priprema izvještaja o stanju integriteta u Ministarstvu komunikacija i transporta Bosne i Hercegovine

5. FAZA IV

- 5.1. Priprema i dostavljanje Nacrta plana integriteta ministru komunikacija i transporta Bosne i Hercegovine
- 5.2. Odobravanje predloženog Plana integriteta i dostavljanje istog na mišljenje Agenciji za prevenciju korupcije i koordinaciju borbe protiv korupcije Bosne i Hercegovine
- 5.3. Odluka o usvajanju Plana integriteta / Imenovanje osobe zadužene za nadzor nad sprovođenjem Plana integriteta

1. UVOD

Ministarstvo komunikacija i transporta Bosne i Hercegovine (u daljem tekstu: Ministarstvo) osnovano je 2003. godine Zakonom o ministarstvima i drugim organima uprave Bosne i Hercegovine ("Službeni glasnik BiH", br. 5/03, 42/03, 26/04, 42/04, 45/06, 88/07, 35/09, 59/09, 103/09, 87/12, 6/13, 19/16 i 83/17). Shodno ustavu i zakonom utvrđenim nadležnostima, Ministarstvo obavlja upravno-pravne poslove u sljedećim upravnim oblastima:

1. politika i regulisanje zajedničkih i međunarodnih komunikacionih uređaja,
2. međunarodni i međuentitetski transport i infrastruktura,
3. pripremanje ugovora, sporazuma i drugih akata iz oblasti međunarodnih i međuentitetskih komunikacija i transporta,
4. odnosi s međunarodnim organizacijama iz oblasti međunarodnih i međuentitetskih komunikacija i transporta,
5. priprema i izrada strateških i planskih dokumenata iz oblasti međunarodnih i međuentitetskih komunikacija, transporta, infrastrukture i informacionih tehnologija,
6. poslovi kontrole neometanog transporta u međunarodnom transportu,
7. civilno vazduhoplovstvo i kontrola vazdušnog saobraćaja.

Organizaciona struktura Ministarstva je utvrđena i opisana u Pravilniku o unutrašnjoj organizaciji i sistematizaciji radnih mjesta kojim je propisana unutrašnja organizacija. Ovim pravilnikom utvrđene se osnovne i unutrašnje organizacione jedinice, njihov djelokrug i međusobni odnos; rukovođenje, ovlašćenja u rukovođenju i odgovornost za obavljanje poslova; sistematizacija radnih mjesta; način i djelokrug rada stručnog kolegijuma; obrazovanje radnih tijela i način njihovog rada; programiranje i planiranje rada i izvještavanje o radu; prijem zaposlenika u radni odnos; broj pripravnika i volontera koji se primaju u radni odnos i uslovi za prijem; ostvarivanje javnosti rada.

U Ministarstvu se primjenjuje vertikalni sistem rukovođenja koji se ogleda u rukovođenju organom uprave prema hijerarhiji radnih mjesta.

U sastavu Ministarstva su i dvije upravne organizacije: Direkcija za civilno vazduhoplovstvo Bosne i Hercegovine (BH DCA) i Regulatorni odbor željeznica Bosne i Hercegovine (ROŽ BiH), čiji je djelokrug rada uređen Zakonom o vazduhoplovstvu Bosne i Hercegovine ("Službeni glasnik BiH", br. 39/09 i 25/18), odnosno Zakonom o željeznicama Bosne i Hercegovine ("Službeni glasnik BiH", broj 52/05).

Prema članu 5. Zakona o željeznicama Bosne i Hercegovine, ROŽ BiH je upravna organizacija u sastavu Ministarstva sa sjedištem u Doboju.

Regulatorna ovlašćenja

ROŽ BiH propisuje tehničke standarde i tehničke specifikacije te kontroliše željeznički sektor u Bosni i Hercegovini, vodeći pri tom računa o direktivama Evropske unije o željeznicama.

Ovlašćenja za izdavanje licenci, potvrda o bezbjednosti i dozvola

ROŽ BiH je jedinstveni organ odgovoran za izdavanje, praćenje i oduzimanje licenci, potvrda o bezbjednosti i dozvola. U tom smislu ROŽ BiH donosi uputstva i propisuje obrasce u vezi sa podnošenjem zahtjeva i uslova za izdavanje licenci, potvrda o bezbjednosti i dozvola.